

**BOSNA I HERCEGOVINA
UPRAVA ZA INDIREKTNO OPOREZIVANJE
BANJA LUKA**

ODJELJENJE ZA KOMUNIKACIJE I MEĐUNARODNU SARADNJU

Broj:01/3-50-4-UP/I-78-3/21

Banja Luka, 15.02.2022. godine

Na osnovu člana 14. stav 2. Zakona o slobodi pristupa informacijama u Bosni i Hercegovini („Službeni glasnik BiH“, broj: 28/00, 45/06, 102/09, 62/11 i 100/13), te člana 5.stav 1.tačka b) Pravilnika o unutrašnjoj organizaciji u Upravi za indirektno oporezivanje („Službeni glasnik BiH“, broj: 29/13) u postupku odlučivanja po zahtjevu Rewin doo Cazin, Ćoralići bb, Ćoralići za pristup informacijama, Odjeljenje za komunikacije i međunarodnu saradnju, d o n o s i

RJEŠENJE

Odbija se pravnom licu Rewin doo Cazin, Ćoralići, pristup informacijama odnosno dostavljanje kopije Zapisnika o kontroli od 26.09.2016. i kopije bruto bilansa za 2015. godinu za poreskog obveznika Ortho – Medicco doo, Cazin.

Obrazloženje

Postupak za pristup informacijama pokrenut je po zahtjevu pravnog lica Rewin doo, Ćoralići, Cazin, koji je u Upravu za indirektno oporezivanje zaprimljen dana 08.12.2021. a kojim se traži dostavljanje Zapisnika o kontroli od 26.09.2016. i kopije bruto bilansa za 2015. godinu za poreskog obveznika Ortho – Medicco doo, Cazin.

Odredbom člana 52. stav (1) Zakona o postupku indirektnog oporezivanja („Službeni Glasnik BiH“ br.89/05 i 100/13) propisano je da podaci, zapisi i izvještaji koje UIO dobije kao rezultat izvršavanja obaveza po osnovu indirektnih poreza posebno povjerljivi i mogu se koristiti samo za potrebe indirektnih poreza ili za izricanje sankcija indirektnih poreza i da se podaci ne mogu ustupiti ili objaviti bilo kojoj drugoj strani, osim u propisanim slučajevima koji su taksativno pobrojani u navedenoj odredbi, uključujući nadležne sudove i tužilaštva. Nadalje, odredbom člana 2. stav (2) Zakona o postupku indirektnog oporezivanja propisano je: „U slučaju da su odredbe drugih zakona u suprotnosti s odredbama ovog zakona, primjenjuju se odredbe ovog zakona“, slijedom čega proizilazi obaveza za UIO da prilikom dostavljanja podataka o obveznicima indirektnih poreza striktno poštuje odredbe člana 52. Zakona o postupku indirektnog oporezivanja, bez obzira na koji način je to pitanje regulisano bilo kojim drugim zakonskim propisima.

Iz prednje navedenog proizilazi da, s obzirom na to da je Vaš zahtjev usmjeren na traženje podataka koje UIO dobije kao rezultat izvršavanja obaveza, i koji su u smislu člana 52. Zakona o postupku indirektnog oporezivanja posebno povjerljivi i mogu se koristiti samo na način propisan ovom odredbom, iste Vam ne možemo dostaviti.

Međutim, imajući u vidu odredbe člana 52. stav (1) Uprava za indirektno oporezivanje može podatke i dokumentaciju poreskih obveznika dostaviti u slučajevima saradnje sa pravosudnim organima te će vam ova Uprava traženu dokumentaciju dostaviti po eventualnom traženju nadležnog pravosudnog organa.

Slijedom navedenih činjenica odlučeno je kao u dispozitivu Rješenja.

Pravna pouka: Protiv ovog rješenja podnosilac zahtjeva ima pravo podnošenja žalbe direktoru Uprave za indirektno oporezivanje u roku od 15 dana od dana prijema rješenja. Žalba podliježe plaćanju takse u skladu sa Zakonom o administrativnim taksama („Službeni glasnik BiH“, broj: 16/02, 19/02, 43/04, 08/06, 76/06, 76/07, 03/08, 42/08, 03/10 i 98/12). Rješenjem se upućuje podnosilac zahtjeva da ima pravo obraćanja Ombudsmenu za ljudska prava BiH, Akademika Jovana Surutke 13, 78000 Banja Luka.

Dostaviti:

1. Rewin doo, Čoralići bb, 77226 CAZIN (uz dostavnicu)
2. Odjeljenju 01/3 2x
3. a/a

NAČELNIK ODJELJENJA

RATKO KOVAČEVIĆ

